



Universitätsbibliothek Paderborn

**De Variis Generibvs, Cavsis, Atqve Exitv Perseqvvtionvm,
Qvas pij hoc in mundo peregrinantes patiuntur**

Lens, Jean de

Lovanii, 1578

Quas persequitiones apud Gottos aliósque populos nonnullos Christiani
perpeſi sunt. Cap. 10.

urn:nbn:de:hbz:466:1-30324

rum thesauros diripuit, Christianosque Nestorij dogma coegerit amplecti: non quod vspiam probaret professionem nominis Christiani, quam Nestoriani quoque tenebant; sed quod eum quem crucifixum audiret, pro Deo coli ferre non posset. Eo siebat ut Nestorianos fauore maiore prosequetur, à quibus Christus verus esse Deus non creditur. Sciebat deinde Christiano Imperatori, istiusmodi iniurijs animum percelli grauiter atque commoueri. Sed dignus eum aliquando vita finis exceptit. Siquidem à proprio filio comprehensus, tenebrisque horridum in locum, quem sibi ipse ad thesauros recondendos parauerat, coniectus, & grauibus subditorum affectus contumelijs, quintum post diem telis confossus interiit. Tum demum laxata sunt Christianis vincula, tum Zacharias Hierosolymitanus Antistes, cum viuificæ crucis ligno, soluta captiuitate remissus est. Temporibus vero Constantis eius, qui ab Heraclio quartus imperauit, Regis Persarum vxor, nomine Cæsarea, propter Christianæ religionis amorem Constantinopolim priuato habitu paucisque comitata venit. Ibique cælestibus imbuta præceptis, & baptismi gratiam consequuta, cum illam interim deprehensa profectio maritus ab Imperatore repereret, seruosque qui reducerent, mitteret, negavit ea se redituram esse ad maritalem thalamum, nisi & maritus Christiana religione similiter imbueretur. Cui cum is acquiesceret, ipse quoque cum 60. virorum milibus Constantinopolim venit, Christianusque illic cum yniuersis effectus est.

*Quas persecutiones apud Gotthos aliosque populos
nonnullos Christiani perpeti sint.*

C A P V T . X.

Gens præterea Gotthorum copiosissima fortissimaq; potentissimis quoque regibus olim formidabilis, nō alienis modò in regnis, quo armorum vi penetrauerat; verum etiam suis in sedibus tenella adhuc ecclesiæ Christianæ germina infestis persecutionum turbinibus è medio dissipare conata est. Siquidem Athanaricus Gotthorum *Paulus Orosius*, Christianos in sua gente crudelissimè est persecutus, *sius lib. 7.* multosque Barbarorum ob fidem quæ iam illic radices egerat, dum interfecit, ad martyrij coronam euexit. Plurimi vero fuga sibi consilentes, in Romanum solum concesserunt;

non

DE VARIIS PIORVM

non trepidi, velut ad hostes; sed certi, quod ad fratres, patria fortiter pro Christo contempta. Illorum autem tanta fuit in pios crudelitas, adeoque Ecclesiae Christi signa & arma infesta; vt quod de Gog & Magog diuinis in litteris scriptu legitur, ad Gotthos & Mauros, Getas & Massagetas, qui dam olim referendum putauerint. Per quorum inquit Pro sper, saevitiam, ipse iam diabolus ecclesiam vastat, & tunc amplius persequetur. Potrò Athanaricum huc, opinor esse Gothiæ regem illum, quē D. August. ait in sua gente Christianos crudelitate mirabili persequutum esse, cum illic non essent nisi catholici. Non arbitror hic prætereundam nobis Britanniam, quæ non solum Diocletiani Maximinique Lib. 18. deci- tempestate (vt antea significauimus) vehementer concussa sit. Dei cap. 32. est, verū & postea Martiano Valentinianoque Romanum administrantibus imperium, cùm ab hostili Aquilonarium gentium infestatione nonnihil respirasset, simulque cum ocio & affluentia rerum, vitia inundassent, vt præter nomen Christianum nihil à plerisque teneretur. Nam præcipue quidem crudelitas, & odium veritatis, amorque mendacij vigeant; vsque adeo vt si quisquam eorum mitior veritatisq; amantior esse videretur, in hunc tanquam Britanię subuersorem, omnium odia & tela torquerentur. Neque id seculares modò viri, verum etiam ipse greci Domini eiusque pastores agebant: ebrietati dediti, atque inuidiæ & contentiobus cæterisque morum corruptelis, suavi Christi iugo rejecto, seruientes. Haec igitur cùm ita se haberent, collabentem illic languore fidei ecclesiam, aliquando censura cælestis erexit. Aduocati Saxones, qui præsidio essent aduersus incursantium gentium feritatem, deuorare ipsi & seuire, bonosque magis persequi ac tollere, nec religionem inuiolatam posse pati coeperunt. Etenim accensus ignis paganorum manibus ciuitates agrosque populabatur, rubeant aedificia publica simul & priuata; passim sacerdotes inter ipsa altaria trucidabantur; præfules cum populis, nullo honoris discrimine, ferro pariter & flammis absuuebantur, nec erat qui crudeliter interceplos sepulture mandaret. Nonnulli in montibus comprehensi aceruatim iugulabantur: alij fame confecti, sese alimenti gratia capiebant, hostili potestati permittebant, incerti tamen num vel sic effugerent mortem: alij transmarinas regiones, moesti & afflitti petebant, alij pauperem in mon-

in montibus, sylvis, rupibus uero arduis; suspensa expectatione
trepidi & latentes agebant. Et quæ spes emergendi suppe-
teret, nisi expleta tyrannide impius abscederet hostis? Itaque
illo abeunte produnt abditi, colliguntur dispersi, redeunt
profugi, & quæ ante calcabatur religio moribus depraua-
tis, ea feruentius tum, diuina correptione castigatis, excoli-
tur: vnoque omnium consensu & animo, diuina miseratione
implorata, ad arcendos patriæ veræque religionis hostes,
studij contentione maioris armantur. Non iam multis cō-
memorare necesse est, quām graues sāpē hostes senserint
Merciorum paganas adhuc gentes, conuersi ad Christum
Angli suis cum regibus. Non resero, vt illic Christianis regi-
bus aliquando succedentes inipi, profanos idolorum cultus
renocārint: nouella Christianorum germina multa reuulse-
rint, piosque sacerdotes furore barbarico, suis de finibus
exegerint. Prætero Daniam, vbi rex Ericus tyrannica
crudelitate desauiens, multos Christi cultores per varia tor-
menta consumpsit. Infestos prætero vicinis Christianis Sa-
xonū populos, quos vario bello fractos, Carolus Magnus
Christi subire iugum vix tandem coegit. Omitto de Bohe-
mia multis dicere, vbi Drabonicia sāuissima mulier etiam
Venceslaum filium, causa religionis interficiendum curauit.
Quid Phrysius referam? qui vt suum in Christianum nomen *Chronica*
odium explerent, Franciam orientalem Pipino regnante, *Brab.*
ferro & igni longe lateque vastarunt? Quo cunque veniebat
Christus aduersabatur atq; obsistebat diabolus: & vas a sua,
quæ longa possessione tenuerat, eripi sibi non sustinens, effu-
sis persequitionum veluti torrentibus, prædicationis euangeli-
cae dissipate sensina, simul vt erant cordibus credentium
mandata, conabatur. Maximè verò in eo elaborabat, vt re-
ges haberet ac principes suis à partibus consistentes; quod
eorum vel autoritatem mobile vulgus sequatur facilimè,
vel potestatem atque iram pertimescat. Itaque cùm fidem
Christianam venerabilis Bedæ temporibus Phrisia suscepis-
set, piorum aliquot opera sacerdotū, in quibus VVillebror- *Beda lib. 5.*
dus, presbyteri gradu & merito præfulgebat, horum exem- *hist. Anglo.*
pla secuti alijs quidam, dum antiquorum Saxonum conuer-
sionem meditantur, secumque vascula sancta & tabulam al-
taris vice dedicatam conferunt; ne religionem persuadere
nouam Satrapę possent, trucidantur à rusticis: non sine gra-
cap. II.
nissima

DE VARIIS PIORVM

160.13.

nissima quidem illius indignatione, postquam id resciuit, quod eum conuenire peregrini homines, non liberè sinerentur. Sic olim proconsulem Sergium Paulum, virum prudētem, diuinī verbi audiendi cupidum, auertere diabolus à fide nitebatur, subornato ad eam rem pseudopropheta & mago Barieu. Cuīs studium quantum haberet diabolice nequitiae, Pauli Apostoli grauissima in illum ostendit oratio. Is enim ait Lucas, repletus spiritu sancto intuens in eum, dixit. O plene omni dolo & omni fallacia fili diaboli, inimice omnis iustitiae, nō desiris subuertere vias domini rectas, &c.

De numero persequitionum Gentilium.

C A P Y T . II.

Orosius lib.
7. cap. 26.

Leo serm. 1.
de Penthe-
coste.

AD numerum autem quod attinet, Paulus Orosius decem persequitiones, à Nerone usque ad Diocletianum & Maximianum, tanquam decem AEgypti plagas suis scribit. Leo quoque Pontifex numeri significationem faciens, ait Manichēum damnandum innotuisse, cum octaua in Christianos ebulliret persequutio, Probo imperatore, Paulinoque consule. Sed & ante Leonem D. Hieronymus quartam à Nerone persequitionem, regnante Marco Antonino & L. Aurelio Commodo: Septimam sub Decio, & octauam sub Valeriano & Galieno principibus, in catalogo scriptorum Ecclesiastico rum, numerauit. Quod & de Romanis, & insignioribus accipiēdum erit. Nam quis alioqui persequitionum, quibus ubique locorum exagatati pij fuere, aut numerum certum reperiat, aut sibi etiam inuestigandum putet? Multò verò minus definitum est, usque ad Antichristi persequitionem, non nisi nouem aut decem numerari oportere, ut undecima sit Antichristi persequutio, plague AEgypti undecimæ respondens: tametsi Sulpitius Seuerus tale quiddam literis mandauerit. Sacrae namque historiæ libro secundo, Romanorum principum ad Constantinum usque successione perducta, atque ad id usque tempus, nouem persequitionibus numeratis. Exinde inquit, tranquillis rebus, pace perfriuimur, neque ulterius persequitione fore credimus, nisi eam quam sub fine iam saeculi Antichristus exercebit. Etenim sacris vocibus, decem plagis mundū afficiendum, pronunciatum est. Ita cum iam nouem fuerint, quæ superest, ultima erit. Hoc igitur Sulpitius sensit & scri-